

Post: Prif Arolygydd Cynllunio

Purpose of Post:

Bydd y Prif Arolygydd Cynllunio yn gyfrifol am arwain a rheoli *Penderfyniadau Cynllunio ac Amgylcheddol Cymru* yn gyffredinol, gan sicrhau ei bod yn effeithiol ac yn addas i'r diben. Mae hyn yn cynnwys arwain ar faterion gweithredol a phroffesiynol o fewn yr Arolygiaeth. Hefyd disgwylir i'r ymgeisydd llwyddiannus gyfrannu at y gwaith o reoli Llywodraeth Cymru yn ei chyfanrwydd, pan fydd hyn yn gyson â'r rôl. Yn ogystal bydd angen i ddeiliad y swydd chwarae rôl arweiniol yn y gwasanaeth cynllunio yng Nghymru, lle mae'r Prif Arolygydd Cynllunio yn darparu barn wrthrychol, ddiuedd sy'n cael ei pharchu ar y proffesiwn cynllunio a'r ffordd mae'r system gynllunio yn cael ei gweithredu yng Nghymru – a sut i wella'r system honno, ar gyfer pob rhanddeiliad gan gynnwys Gweinidogion Cymru. Mae'r Prif Arolygydd Cynllunio hefyd yn cynrychioli Cymru mewn cyfarfodydd ar lefel y DU a chyda Phrif Arolygwyr Cynllunio ac uwch swyddogion polisi gweinyddiaethau eraill.

Mae arolygwyr yn farnu ar yr amgylchedd a'r amgylchedd adeiledig, gan gyflafareddu mewn anghydfodau ynghylch defnydd tir a materion amgylcheddol. O ystyried yr amrediad o waith a wneir, mae'n ofynnol i'r Prif Arolygydd ac Arolygwyr Cynllunio feddu ar yr amrediad eang o wybodaeth am y polisïau a'r ddeddfwriaeth sy'n berthnasol i waith *Penderfyniadau Cynllunio ac Amgylcheddol Cymru*. Bydd y Prif Arolygydd Cynllunio yn gyfrifol am sicrhau bod penderfyniadau'n gwbl ddiuedd. Bydd yn ofynnol hefyd iddo roi gwybod am unrhyw bryderon ynghylch sicrhau didueddrwydd, neu unrhyw ganfyddiad gan eraill mewn perthynas â didueddrwydd, yn uniongyrchol i'r Ysgrifennydd Parhaol.

Bydd deiliad y swydd hon yn gweithio'n uniongyrchol gyda swyddogion awdurdodau lleol ac aelodau etholedig i'w cynorthwyo i fabwysiadu Cynllun Datblygu Strategol a Lleol. Bydd yn gwneud hyn drwy ddarparu hyfforddiant ac uwchsgilio aelodau a swyddogion llywodraeth leol i sicrhau bod cynlluniau'n cael eu harchwilio'n ddidrafferth, yn ogystal â rhoi cyngor diduedd ar elfennau allweddol o'r sail dystiolaeth. Mae'r Prif Arolygydd Cynllunio yn pennu'r safon ar gyfer y safonau tystiolaeth sy'n

ategu'r cynllun, a bydd disgwyl iddo hefyd gynnig cyngor anffurfiol ar y strategaeth a'r sail dystiolaeth sy'n ategu'r cynlluniau drafft.

Bydd deiliad y swydd yn gyfrifol am gyllideb y rhaglen o £3 miliwn ar gyfer gweithredu'r gwasanaeth, yn ogystal â rheoli'r incwm o ffioedd a enillir drwy brosesu gwaith achos amrywiol ar ran eraill. Mae'r incwm hwn o ffioedd yn gwrthbwysu costau gweithredu'r gwasanaeth, ac fel arfer mae'n werth rhyw £1 miliwn y flwyddyn.

Bydd angen i ddeiliad y swydd chwarae rôl arweiniol bwysig yn y proffesiwn a disgwylir iddo gymryd rhan yn rheolaidd mewn gweithgareddau academiaidd a phroffesiynol i ddatblygu a gwella'r ffordd mae'r system gynllunio yng Nghymru yn cael ei rheoli. Bydd angen i'r Prif Arolygydd Cynllunio hefyd weithio gydag aelodau o awdurdodau cynllunio lleol pan fydd pryderon wedi cael eu codi ynghylch pa mor aml mae penderfyniadau lleol yn cael eu gwrthdroi yn dilyn apêl.

Terms of Appointment:

Mae hon yn swydd parhaol, mae ar gael i:

- > Gweithwyr Parhaol Gwasanaeth Sifil y DU (a recriwtiwyd drwy gystadleuaeth deg ac agored) ar sail symud ar draws, dyrchafiad neu fenthyciad
- > Gweithwyr nad ydynt yn gyflogeion parhaol y gwasanaeth sifil
- > Y rhai sy'n dymuno gwneud cais ar sail secondiad am hyd at bedair blynedd

Salary:

Gradd y rôl hon yw Dirprwy Gyfarwyddwr. Y cyflog yw tua £73,000 y flwyddyn, er y gall mwy fod ar gael ar gyfer ymgeisydd eithriadol

Work Pattern:

Mae hon yn swydd amser llawn, er yr anogir pobl sydd am rannu swydd i wneud cais. Os byddwch yn gwneud cais fel partneriaeth rhannu swydd, disgwylir i'r trefniant fod ar waith pan fyddwch yn cyflwyno eich cais. Felly, dylech sicrhau ei bod yn glir ar eich ffurflen cais eich bod yn gwneud cais fel rhan o bartneriaeth rhannu swydd.

Location:

Cewch weithio o unrhyw un o bedair swyddfa Llywodraeth Cymru yng Nghymru, sydd wedi'u lleoli yng Nghaerdydd, Merthyr Tudful, Cyffordd Llandudno ac Aberystwyth. Rydym yn cefnogi gweithio gartref a theilwra patrymau i gyd-fynd ag amgylchiadau unigolion. Mae'r rhan fwyaf o staff Llywodraeth Cymru yn gweithio gartref/gweithio o bell ar hyn o bryd, a bydd hyn yn parhau i ryw raddau fel y gallwn leihau ein heffaith amgylcheddol a chefnogi pobl i weithio'n agosach at y cymunedau y maent yn byw ynddynt.

Interviews will be held on**29 Hydref 2021**

To find out more about this role and how to apply, please visit the Welsh Government web site at:

The closing date for applications is

21 Hydref 2021

A large print, Braille or audio version of this advert can be obtained by request from 03000 255454.